

訥

菴

詩

存

認葦詩存序

管領風騷誰敵曹劉之壘寄懷泉
石客追皮陸之踪惟雅契夫琴樽
斯彌工其嘯咏丹山碧水夙緣卽
是神仙綠酒紅燈清興總歸才子
尙羽儀之有意鳳樓早立清標乃
鴻爪之無心鷺社獨崇雅望才華

第一風調無雙秀峰汪君詔莽詩
存所由訂也夫其詞場獨伯原鐫
券之家聲藝苑稱英本花潭之雅
緒左圖右史瀝液傾膏帶水環山
綉蘭佩芷雕鏤萬象閒情披箱史
之圖料粕百家得意夢江漣之筆
半塵卜築武林大可浮家雙槳夷

猶雁蕩儘堪適志飛觥鬪牟曾聞
終賈之年拂素分箋饒有王裴之
興談諧氣爽顧盼風生固已燒燭
而珠生字裏雅並徐庾題襟而霞
蔚行間方驅潘陸矣然而匪窮名
勝曷敘遙情必極幽奇乃深遐想
鞭絲帽影嘗分靈洞之雲松響泉

光或映蘇堤之月瓊花臺畔潑墨
淋漓白苧城邊揮毫颯沓大江南
北山川每賴以平章湖水東西花
鳥屢供其品藻斯不亦着靈運障
巖之屐無景非新登元章書畫之
船有吟皆妙者乎廼更綿潭返棹
地遠塵囂錦筍添詩音翻清越纏

綿舊夢行歌互答之人悵憶佳游
緩轡聯吟之地湘簾棐几檢點烏
絲酒幔茶檣流連紅豆賈閨仙之
字敲驢背此此非奇王之渙之曲
播旗亭擬斯差近以故談揮塵尾
清言絕少纖埃稿束牛腰妙手果
多仙意僕也拙宦江天久息渭城

之唱濫推粉署還餘小海之思乍
激賞乎才名喜玉山而朗映再披
尋夫佳什愧流水以知音爰率弁
言漫裁綺語今時黃絹定知價重
鷄林他日青綳更願郵從魚素云
爾詩

乾隆三十有七年歲在壬辰桂秋

下浣西蜀同學弟高辰拜題於茸
城官寓

詠菴詩存總目

卷之一

綿潭漁唱

古今體八十三首

卷之二

飛鴻堂初稿

古今體一百十九首

卷之三

蘭谿櫂歌

今體一百首

卷之四

歐江遊草

古今體四十九首

卷之五

邗溝集

古今體四十九首

卷之六

客燕偶存

古今體八十七首

秀峰先生四十五歲小像
華亭唐汝超寫



縣潭敷唱序

詩家患不能新又患不能古
古而不新陳人也新而不古
傷父也二者交識此冊錄
能新矣而因寄所託復餘弦
外之意追古人而從之此其

志不在小翔集子史以日以
年則立戟於諸作者間何止
三十里也望氣日上為喜欲
移乾隆歲在柔地攝提格宿
月死望友生方槩必好撰

題詞

閒居動幽興涉想得微徧每念秋寒
江發孤榜沿緣羣蕭間邂逅人遂往黃葉
承夕陽依微界遠望蕭蕭秋風下漁歌振
清響此景偶亦逢繫懷但悵快今讀綿潭
詩如歷綿潭上君心本清絕君詩何澹宕
郵筒幸寄聲何時駕幽舫同爲汗漫遊心

神越潏潏

錢塘
盧樹滋
西冷

占盡風華繇上主枕居潭水傲漁家閒情
逸韵清無比明月澄波漾玉砂

騷壇到處誦幽吟雅識君才蘊負深畢竟
懷珠川自媚別聯鷗鷺托知音

婺源名勝結神游一葦錢江水共流我待
黃山作樵客灘頭閒與話浮邱

多君著作等吟身披揀金沙字字珍合與
龍溪世傳集淵源一脈滙通津

華亭

吳

鈞

陶宰

昔賢白石唱清響托幽岑終古湖山色千
秋問答心短竿橫一鑑向調出平林日暮
北風急滄浪和笛音

秀水

許爲金

築巖

縣水悠悠澹我心漁舟一葉泛沉深秋風

倚櫂蘆花岸曉日鳴榔楓樹林剩有圖書
還共載豈無蓑笠伴清吟不知容得樵青
否閒撫焦桐要賞音

仁和
姚德存

蓀田

我家虎林山水窟一一靈蹤難殫述憶昔
狂歌方少年興來每棹扁舟出城西日日
攬名勝欲貯奚囊少樣筆秀峰先生得真
賞愛泛澄波登翠嶽家住嚴陵西復西綿

潭潭上峯如笏環峯穿壑成結構剪伐豐
腴雪筋骨淙淙飛瀑濺珠玉落落長松響
卷脣就中更起百尺樓南北峯頭相髣髴
先生有時把釣竿扣舷歌嘯動遶絕吾聞
新安之區巖壑秀詩派泓泓異松浙騷人
詞客論風雅短調長歌競工拙先生手握
靈蛇珠苦霧陰雲任披拂自從金鯨振逸
響細草寒堦盡鳴蟀年來僑寓五茸城吟

壇手插敦盤列郵筒示我篇什夥玉色珠
光映雲日伊昔天隨澹岩士浮家泛宅襟
情別千年漁唱在綿潭一派高風幾曾歇
今宵寓閣秋氣涼缺月娟娟照細帙細吟
格律坐嘆息樽酒何時慰飢渴

綿潭漁唱

古歛秀峰汪啟淑

子夜四時歌

東風扇晴日楊柳盡垂絲
郎行不綰馬愁坐蹙雙睂

畏日苦流金眠慙柳心簾
一夕涼風生君懷恐中變

倚闌望銀漢無寐將奈何
玉露似儂淚侵

晨分外多

陌上凝旂寒擁爐飲歡酒風雪易黃昏安
得終白首

春陰

靄靄春陰釀雨天望中山色黯空煙桃腮
故作宵醒態柳眼如耽曉夢眠何處鞦韆
虛畫板誰家絃管咽歌筵芳時未逞韶華
興紙閣攤書意惘然

齋居有懷

焚香彈素琴坐久啼鳥換難期心所歡空
發盈襟嘆習靜寡外營花飛任撩亂

坐雨

曉溪瀾瀾響新流起擁山衾坐小樓銀竹
斜飛迷遠望建瓴聲急湧檐頭

春日幽居

扃門春色裏靜看日西斜病久身如鶴愁

新酒清
濃眼欲花誰分劉杏酒且種邵平瓜擁鼻
微吟罷晴峰正開衙

惜春曲

奉君九華燭遠之明燈萬貫却塵之繡褥
穆王常滿之奇杯田父射光之赤玉願君
少駐七香車聽我狂歌惜春曲人生壯歲
不恒居秀髮星星難再綠春光駘蕩趁芳
辰烏藏宜乘蘭膏續一刻千金乃至言高

吟顛飲真良局幾見黃金鑄後身鞍背船
唇徒僕僕衣冠終古總成邱算受世氛相
刺促

畜貓

不惜褻鹽聘來依四部書策勲無慮薄晚
釣得溪魚

閒居雜興

漫道窮居苦寂寥紙田閒墾足逍遙帖臨

青李茶初熟經罷黃庭篆欲銷漫注蟲魚
紛典籍愛親畊釣托歌謠拓窗霽色添幽
興花外啼禽似見招

題友人小像

之子何崎嶇松根坐高讀環襟有小谿
瀨走寒玉興來引芳醪遑計清興濁境寂
神益閑世氛那刺促白羽笑空持涼飈白
相屬未遇知音人莫解璫琴束

漳灘散步

雨裏鷄鳴三兩家叢叢竹樹傍邨斜山深
籬落春光晚二月辛夷始放花

岸柳娟娟半帶煙片帆如鳥下灘船眼前
好景吟難盡欲覓雲藍九萬箋

白薔薇

春風披拂處滿架葉扶疎一白雪相似繁
香麝不如柔條牽慢帶濃影護床書雨後

看逾好佳人
殢面餘

聽春郎胡琴

四絃輕曳聲切切
渾似冰溪水
嗚咽旁人未辨徵與商
但覺如嘶野馬鳴
羣羊須臾變調更淒楚
欲泣吞聲暗私語
逐客魂消戍婦愁
金烏歛彩雲悠悠
春郎春郎何須爾許
聲聲怨遊子無腸與君斷

偶吟

筠廊葑圃足徘徊弄筆閒時弄酒杯未卽
閉門高枕卧溪南山要送青來

慰友

腰纏跨鶴自來難幾見錢神得好官
疥壁不妨書醉艸
阮琴何礙採幽蘭
簞瓢顏子偏多樂襟肘原公豈寡歡
絹海膠山堪遣日敗籬况復有花看

書堂夜坐

輕風度虛堂
牕竹發清響
凝神結跏坐
斗覺煩襟爽
悠然有會心
閒謠寄幽賞

卽事

靜倚虛岩看落花
佳時容易日西斜
歸來小院藤陰合
閒拾松枝自煮茶

過友人故居

蠟屐頻遊集重經
只愴神筠簾空覆地
鬆几但凝塵
談笑歸何處
琴樽換別人
一吟

華屋句不覺淚霑巾

秋晚過家山圖先生遺宅

籬菊醉霜秋意深
墨雲釀雪天陰陰
意行來訪詩人宅
孤策逶迤穿晚林
循牆叢篠翠欲滴
環門潭水寒欺襟
詩人仙去不可見
吟堂寂歷空登臨
卷帙蠹殘筆牀壞
墨痕狼藉難披尋
閒階小立一俯仰
紛紛絳葉飄青岑

彈琴

彈琴修竹下坦腹枕清流翠髮不恒好絃
歌聊遣愁

寒食郊遊

年來飄泊不勝悲遣悶閒遊信所之欲雨
欲晴寒食後半醒半醉野行時萋萋芳艸
承梨雪欸欸溫風颭柳絲似駛流光無可
繫蒼茫駐屐獨吟詩

晚春書太白酒樓壁

突兀憑江影欲流
碧欄干敞翠屏週
日斜春老閒人散
山鵲谿猿結伴遊

魚梁瀉碧響泠泠
遙見齊雲一抹青
無復醉眠詩客在
暖風吹絮入疎櫺

贈家朴菴

吾宗有高士潛默
少人知食力惟操
耒耜懷但賦詩家
貧山鬼笑道古俗
人嗤他日

徵軺起應多盛德滋

春暮獨遊碧雲巖

桃吐花春將老修堤綠遍王孫草獨行偶
到碧雲巖竹杖芒鞋恣幽討山禽轉深林
輕僂翻翠藻韶光大地無人知攬帶高吟
寄懷抱

秋夜獨步綿灘水煙霜月幽趣莫狀
率爾成篇

端居閨寂縱步秋野林月澄輝溪湍微瀉
會心匪遠熟云儔寡塞鴻橫空木葉初下
婆娑清影涼風滿把留連忘歸白露如灑

賦得竹搖清影罩幽窗

分韻得
花字

砌竹離披日半斜紛紛翠影上窗紗閒於
五柳詩人宅靜似雙林佛子家涼意滿襟
非爲雨細香逆鼻不關花胡床八尺眠來
看却咲無方逐睡馳

後圃閒步

步履入後圃涼吹開我襟疎竹網斜照漏
影如碎金蕭蕭菰葉響嘖嘖寒蟹吟悟彼
箇物移感予傷逝心攬帶一長嘯拂石張
清琴

採蓮曲

蘭舟輕蕩綠波中人面蓮花相映紅日暮
水煙渾漠漠歸橈何處辨西東

暖風拂拂漾鳬鷺人在花叢小
憇時瞥見
郎來回首避翠莖疎處却偷窺

明州石榻

誰琢明州石製成書榻橫
山光侵角枕波影潤桃笙
蕭爽身心靜幽涼魂夢清
慚無徐孺子高掛下沐輕

杪秋雨後述懷

一雨淨氛埃千岩含苦霧
窮居落寞寞寡塵

勞把卷高吟倚苔樹籬菊粲其英砌重同
此趣吁嗟乎宋玉胡爲獨不樂百年要識
原如寓吾儕自知非騁駟不歎孫陽杳難
遇清辰澄景足逍遙後身底羨良金鑄

春日卹口閒步

入春纔幾日春色便撩人散策行吟去韶
光刺眼新

岑山道上

初晴山翠撲睂低聯襪來遊日未西宿雨
偃花懸峭壁好風勾蝶過前溪多情垂柳
依依碧自在嬌鶯哈哈啼欲上高峰蕪倦
眼晚雲如海望偏迷

戊婦嘆

結綺未浹辰夫婿去天山一別十寒暑傷
離凋朱顏昨朝書札至轉云戍榆關刀環
竟艱期坐感芳夕閒夫行妾當守憔悴非

所患願保千金軀功成獻凱還

苔錢

圓似池荷嫩葉浮一番秋雨一番幽
權門要路渾無用空向閑庭買得愁

初夏閑居

綺陌青春老閒庭白日長
海榴紅刺眼園篠綠迴牆
壯志慙明鏡幽情寄醉鄉
瑟居無箇事晞髮卧繩床

烏引雛

紆如五鼓銀河低老烏引雛啞啞啼烏雛
翼薄身難主強欲引之城北去曉風颯沓
睥睨高失勢忽落諸蓬蒿老烏百計將不
起哀哀泣血投壕死獨不聞羽毛未豐不
可以高飛胡爲乎遑遑苦與時相違

歲暮卽事

炙窗晴日硯銷冰瓶插梅花淡不勝排遣

續江表志
二
殘年無別事笑拈斑管畫春燈

題自醞雪漿酒

飲中何必數蘭茝醇味由來在至清未送
青州伴從事聊供彭澤醉先生金莖解渴
徒聞說石乳能仙枉得名漉罷葛巾還自
喜破除愁陣息心兵

晚步東園

春光剩幾何綠陰紛相壓散策來東園林

端鳥鳴答晚山雲勢沉幽澗泉流浹嫋嫋
柳弄絲青青菜萌甲茲方雖荒蕪卽目景
不乏瀏然出谷颺悠揚颺輕筵煙深歸路
迷新月隨步履

登淪潭觀瀾亭

紅牆屐子印蒼苔得得行歌獨自來記取
憑欄好時候檀香梅萼水仙開

遊玉岐寺

瑟居不稱意初地試幽尋得句思呈佛乘
閒喜入林水流蘇舊砌風暖變鳴禽更愛
歸途好嵐光欲染襟

客有言慈谿縣長溪嶺下故官塚上
之翁仲其嗣貧欲別售夜夢翁仲告
以久事尊人義不願去其嗣翌日竟
移之重不可動強而墮折里人奇之
建亭紀事嘉而賦此

貧欲售石石人語寧碎此身不易主緬想
當年牽挽時修繩料不如鉛雨吁嗟乎今
世之豪奴曳絀食肉則相聚應多慙媿此
頑石特地栽詩傳海宇

春日閒步

春陰山鳥樂小憩散愁襟風竹清於磬溪
泉淡似琴偶諧靜者趣便覺息塵心

初夏

默坐南窗看落暉
鹿蕉夢覺已忘機
試茶正喜泉初熟
卷幔剛逢燕欲歸
砌竹離離連藥嶼
池荷貼貼近苔磯
閉門覓句堪終日
休悵年來心事違

長門怨

涼生夕殿陰
獨坐吟團扇
縱然君意回
但恐紅顏變

練江舟次

篷窗無酒遣蕭閑背看丹楓霜後顏夾岸
野禽啼不住片帆飛過八郎山

秋晚率成

多病虛佳日攤書對薄暉驚心聞葉墜無
事看雲飛抱甕添葵潤拳簾送燕歸寸裏
誰可語歷歷付金徽

告蚊

蝸廬蒸濕多飛蚊成團接翅同烏雲松筵

風激竟無懼橫衝遶鬢號夕暝嗟予多病
肌膚老如爪骨豈堪君嶮東隣有獸食人
食何不噉之堪一飽

野燒

寂寂古原頭誰遺火未收晚風吹更濶
地燎難休遙看疑斜照橫延似亂流光驚
狐兔竄焰烈艸蟲愁却歎風光轉青青又
見抽

初夏山居

春歸寂寞局山院
芒鞋惜踏殘英片
開軒無語對遲暉
徘徊曲檻情難遣
紛紛柳絮舞牆陰
貼貼荷錢漾池面
匡床散髮來清風
蝦鬚捲處飛雛燕

書新建書樓壁

築得書樓俯小溪
嵒崇直欲與雲齊
蔭門只種先生柳
塗壁何須隱士泥
看雪休辭

衝雪上聽鶯莫惜其鶯啼落成底用朋人
賀一首新詩信筆題

行藥至廻龍橋

抱疴不稱意行藥聊近遊低徊度南岡延
緣遵江流廻龍古石橋境僻姑遲留于時
屈伸商逆鼻天香幽霜楓弄傾娟疊嶂青
翠柳輟策撫孤松高吟豁沉憂塵襟得甦
洗白日漫西道

玉樓春怨

桃花開遍柳成陰
目斷無由見
藁砧坐久
不知衾簾冷
添香暖
守博山心

東園

愛春先鳥起
一徑入東園
的礫梅將綻
槎桲柳尙髡
晴烟浮黯靄
初日弄溫暾
時雨
前宵足橫塘
復舊痕

秋夜謠

金風爽玉露涼如珠荷露傾銀塘前軒愁
卧冰簟滑唧唧窗下啼寒蠶侵床明月如
霜白撫枕相看動蕭索美人何日得重逢
清謠永歎終遙昔

新柳

隋家埤畔雪初銷又見輕黃染舊條細眼
乍舒猶帶倦纖腰欲舞不勝嬌莫移官道
遭攀折好伴金閨破寂寥最是動人愁思

處綠波春漲赤闌橋

雪望

昨宵素雪飛倚欄得奇矚山徑失窪隆翹
松耿微綠盼彼河之洲宛然浮片玉長安
多貧者昔賢語可錄抗懷東郭生怒如擣
心曲

池亭獨坐

睡起晴蜂報午衙微吟閒步澗邊沙連朝

不到池亭上開遍棠梨一樹花

征婦怨

紫陌春始穠楊花已飄素寄語隴頭人芳
姿難久駐

春來

春來情調頗無聊日倚吟窗弄酒瓢蜂逐
游絲過別院燕銜花片掠橫橋隱居張祐
詩聲賤多病文園客恨饒底事晚風偏有

意時敲庭竹學齊韶

雨

脉脉當春雨隨風入院來潤欺琴柱緩涼
逼酒樽開洗柳舒嬌眼侵梅破粉腮吟看
燭外沼漸欲復蒼苔

涼夜聞琴歌

誰家別幌張瑤琴酒醒驚我江海心披衣
強起撫枕聽隨風容與流哀音須臾變聲

系江詩集
一何壯馬嘶荒野牛鳴益好似坡公湓蠡
游石鐘山下寒潮上嗟乎嗟乎操者誰淒
鏘鳴咽應有思霜凝月落莫辭苦但恐舉
世無子期

遊擊竹菴

得得來叅玉版禪雨餘幽谷更蕭然尤憐
擊竹饒佳趣小閣危闌聽澗泉

紛飛嬌蝶舞新晴日射虛堂潑眼明多媿

倥偬歸去了北窗孤負竹風清

池上寄慎齋江永

曦赫迨無所愛此池上涼科頭揮白羽選
石蔭綠楊日入水容碧風來荷氣香懷我
同心友緘情寄詩章

漫興

鎮日歛書嬾出遊已甘隱閉老林邱雨滋
蘚碧侵閒几風載花香上小樓抱膝微吟

情脉脉看山酌酒興悠悠自憐心力消磨
盡擬便忘機狎海鷗

山園散步

讀倦攜藤杖山園一採春翠禽休競噪我
是惜花人

秋夕

寂寂清夜孤燈耿輝候蟲吟砌涼月鑒帷
方壺難到宣室無期有琴有酒不樂何爲

夜訪屏山夫子

爲尋棲遯客乘月一攜藤急澗鳴新溜疎
林漏遠燈霜威初瑟瑟菊影正稜稜情話
渾忘寐山窗低玉繩

鄭坑道中

曳杖春郊欲暮天霏微杉雨濕墟烟不須
怊悵春泥滑一路溪聲勝管絃

山杙在在有梅花況復村醪許客賒攬帶

長吟幽思好疎林驚噪後歸鴉

秋曉

晨起坐前庭開襟納新爽松風學奔濤竹
露滴幽響候鳥如有情時時窺岫幌臨階
撫疎桐永嘯歌擊壤雖無佳山川境靜心
自朗懷哉五柳先令人發遐賞

春日遣興

尋詩信步過墻東候鳥綿蠻曉日融柳眼

效顰疑宿露桃腮含笑倚和風也知世事
如棋局敢把功名等馬通敲遍碧欄情繼
綰雙飛新興繞芳叢

書樓宴坐

晴窗嬾校相牛經坐肅春風引酒瓶猶愛
夕陽吟望好暮山橫斷佛頭青

遊福緣菴

和風牽野興散策過珠林寶鼎騰烟靄雲

系江清
三
堂響梵音地幽忘世累嚴迥覺春陰漫說
無生話年來已息心

浙江晚發

捩舵之江趁晚晴帆開千里碧雲平岸花
却走空回顧真個扁舟一葉輕
半篙瓜蔓水拖藍蘋末蕭蕭起少男笑我
心情泥着絮篷牕高卧類春蠶

紀所見

遠岫映西陽柳邊人喚渡驚起白鷺驚斜
飛入溪霧

綿潭漁唱終

跋清思則玉暎六齒逸韻
則泉源石峽加吟追琢
之精耐貼之乎工無刻
鏤之痕味在鹹酸之外

確誦數過真覺齒有餘
芬美不勝攬豈持四照
之華九光之鑑而已丁
卯和秋葯洲愚弟張錫
德琴跋

飛鴻堂初集序

飛鴻堂初集汪子初纂存其家初之
詩也詩必有序古也詎纂之詩夫人可
以序之而必命余何也初纂他集容或
可以他人序之初集則舍余莫屬也方
余之歸畊也適暑於南屏讓公以

房壇坫既設舊雨新雨縻至倚高峰
而架不律巖明湖以磨陶縻抒情
則霞彩澄鮮落韻則華鯨四應歌
詠太平追擊壤而安耕鑿何其樂也
詔翁以終賈之年騁妍抽秘進而與
諸宿老相抗行集中所存者如拈棋

數著佛置於楸枰間磨之可數初葬
以為初葉值吾社事之初也廿年以來
山水神明之茂宰投晉解綬之者英
漚囊之名德寫鞍之寓公以衣皂帽
之高士相率而登鬼錄其偷息人世
者惟余與吳兄甌亭而已甌亭調病

閉戶不復關顧外事余以垂死之年龍
鍾獨揅風雅之殘局將伯助予於仞
葦不吝厚望焉斯編也在仞葦為發
軛之始基在我則如前塵昔夢暇一
省憶款款煩醒累日夕而不能釋是
即吾三十年之詩史也余不之序而

謂他人能之乎吾不信也
乾隆歲在己丑四月望後三日秦亭老
氏杭學駁

序

汪子秀峯束髮受經於予天姿秀
特思理絕人咕嗶之暇卽好爲歌
詩予以時方有事帖括戒使勿作
而秀峯竊爲之不已其篤好蓋天
性然也嗣以蠶鹽家累罷去舉業
僑居虎林托跡城市之中掉鞅埃

埽之外一切狗馬聲色遊戲徵逐
之事概不足以撓其胸所居花竹
圖史環列左右焚香却掃以詠以
陶窮搜博覽於古今藝籍之林自
諸子百家旁及二氏靡不心經手
緯采輯編纂以爲發揮性靈之資
又好遊歷山川西子湖頭山陰道

上蘭亭禹穴天台鴈宕以及虞山
虎阜三泖九龍出京口溯大江繫
馬石城之旁憑弔六朝之舊凡夫
幽奧之境名勝之區興之所到無
不裊糧以遊情與景會象由意顯
而遊覽之作因以夥焉至其舟車
所至縞紵與偕則又與四方名流

從容商權流連贈答以文章之用
廣聲氣之投收切劘之功爲性情
之助而秀峯之詩於是有駸駸日
上之勢矣今出其篋衍所積梓之
爲飛鴻堂初藁以是正有道而乞
序於余余惟秀峯雖未克終舉子
業取科名紆青紫翔步於金門玉

堂之間然少而好學嘯咏自得數
年間已裒然成集洵乎克自振立
不爲流俗所染者況乎秀峯年甚
富學甚力不懈而及於古又烏能
測其所志哉予雖謫陋回憶十年
相得之雅其克重慰予懷而向之
戒使勿作者轉未足以廣秀峯之

志也因書數語而歸之時乾隆歲
次庚午重九後二日友生屏山方
岳薦書

飛鴻堂初稿

古歙秀峰汪啟淑

春宵引

搖情璧月懸庭柳融融流艷穿
佳人愁不眠凝妝攬涕常窗久

滋碧桃博山香爇芳心勞拂面東風如酒
釀牽儂遠思縈蘅臯

病鶴

無力舞花陰
滄情宛在林頂砂
雖煜燿翻雪漸消沉
難遂青雲志
空含碧海心
閒階垂翅立
猶似欲聽琴

題張柳漁夫子荷靜納涼圖

形骸蕭散葛襟疎
次第清風塊坐餘
大勝從遊湖上路
柳陰多處度籃輿
水花的的弄娉婷
萬竹泠泠照眼青
熱客不來人意美
閒鷗飛上看魚亭

壓波亭榭靜無譁長日惟消一餅茶
兔盞潤回餘爽在頻分幽味與荷花
未覺人間夏日長蓬萊風月久回翔
懸知心地清涼遍不藉臺端御史霜

雨中泛湖

雨洗明湖平徹如鏡獨泛舫舟以適幽性
山含薄陰風廻清泳候鳥時交森林遞暎
煩襟曠焉扣櫂閒詠

題許氏雪莊

門對平湖屋枕山清幽渾欲出人間松濤
半嶺供欹枕書卷盈牀稱掩關秋釣定知
攜玉友夜吟應不負銀鸞誅茅我亦思來
此鷄黍他時共往還

黃浦上作

浦上縱遐觀風迴雪浪寒予心殊異此久
已不生瀾

卽景

夾岸陰陰罩綠楊
傾脂河畔正纔黃
舵樓倚扇閒吟罷
風送珠簾笑語香

題窗下竹

蕭蕭窗下竹
稱我踞胡牀
墮籜猶堆砌
新梢已出牆
色滋書幌碧
清益酒罇香
却笑青門史
裁筒引鳳凰

白龍潭歌

白龍潭畔東風醞
匝岸修楊青似染麗景
招邀暘冶遊繁英
掩映舒妖艷金衣公子
坐深林巧囀嬌吟浣
俗襟幾處糴歌飄嫋
嫋千家樓影碧沉沉
金張舊雨多豪尙聯
襪尋芳拏畫舫偶過
水閣詫新聲小酌逢
窗傾妙釀軸簾騁日
九峯青黃耳遺墳隔
遠汀幾社聲華餘蘊
藉漢陽風韻未凋零
蘭橈暫駐桃花岸共
訪薛濤摘藻翰焚香

曲室戲分箋鬪茗翠堂閒卷幔我有淳于
醉後狂匆匆話別怨斜陽潭陰揮袂千金
笑花底移舟一水香晚潮已到虹橋外舞
蝶遊蜂尙無賴含情懷古獨凭闌托興長
謠時攬帶烏兔侵人疾若馳凌雲奏賦期
何時方壺圓嶠何能至行樂韶春且賦詩

大風渡黃浦追和張之翰韻

颯沓霜風萬籟號輕移蘭櫂狎銀濤玉樓

凍合從人笑要鬪詩情幾許高

泊小金山

依沙宿蘭橈素月已升嶺
牽蓬肆遐瞻滿目富烟景
迴溪漾新流寫我清瘦影
誰家漏孤燈坐久猶耿耿
岸柳欲垂絲含風意先騁
俄聞山鶻啼虛寂聲覺猛
天地乃遽廬何必懷箕頰
低徊舞船頭零露不知冷

梅杖

閑向孤山斲一枝竹籬茅舍鎮相宜扶來
漫結羅浮夢握處還鏹齏靖詩倚戶暗香
侵短榻過橋疎影落清池奇才不獨調羹
用礪礪如君信可持

乾隆丙寅閏上巳全人修禊湖上

汙汙湖水被故降祥陳觴命侶言采其芳
惠風重暘熙春載陽蘭亭匪遠勝事頡頏
緬彼舞雩遊潛聖發深喟幸際舒長時雨

過山綠盡穀旦無用差凌晨復衆邁少長
各抒懷盛會良足快

客夜

滯雨孤舟夜何堪復抱疴有書消客恨無
酒敵詩魔江路風波惡山城更漏訛挑燈
懷往事抱膝一悲歌

曉起聞角

曉起城東畫角聲誰人吹出戍邊情征鴻

側聽飛頻駐戰馬驚聞淚數傾秋塞魂消
家萬里春閨夢斷月三更吟安競病知何
日陡覺英懷撥不平

遊支硎山

蠟屐來支硎初陽浮樹杪杖策陟其巔果
覺衆山小碧艸繡平疇閒雲罨幽篠拂面
薰風和懸崖飛瀑皎花裏閒晴蜂林陰啼
好鳥流憇古剎中巖幽人語悄老衲亦多

情煮笋供客飽微吟返扁舟弄袖風嫋嫋

春夕

春寒未退晚風尖臥看爐香繞畫簾
怊悵無人同一醉樓頭新月自纖纖

短歌行

日月擲梭百年幾何對酒不樂綠髮蹉跎
賦命在天役役奚爲蓬山無路帝鄉難期
撫我素琴清風滿襟載彈載詠爰得我心

同人泛西湖

聯襟閒來泛野航
水光山色兩蒼蒼
岸莎着雨無邊綠
巢燕銜花爲底忙
會少莫教詩有債
時清不礙醉爲鄉
匆匆歸去情難已
負郭終須築草堂

慧山試第二泉

晨興登惠山
芒屨踏寒雨
攝衣步崇岡
科頭憩松嶼
砌草色萋萋
桂葉露涓涓
更入

招提遊薜蘿滿環堵寂寞對花龕清風來
竹塢曉鐘有餘聲隔院和僧語懿茲第二
泉傳留歲月古徹底總澄清湛湛漾天宇
西風動碧紋漣漪曳翠縷小試龍井茶掃
葉供煎煮修綆汲清深瓶盎聊一貯傾來
香滿甌甘澹勝牛乳良晨恐相辜清話費
松塵留連忘日沉驚聽搗砧杵返櫂綠楊
溪秋光澹容與

冬日集清鑑堂觀萬夫人八分遺跡
分體得七絕

八分遺跡墮微茫鳳翥鸞挈筆勢強看取
閨中有擇木何須重溯蔡中郎

憔悴潘絲颺髻痕文綾展處跡猶溫彩鸞
自是仙家女空使人傳寫韵軒

雪莊秋萼小集

瓜皮采擷趁秋晴潦淨三潭紫線橫涼意

不禁將薄暮疎香最好是初烹流匙滑勝
雕胡飯膩齒佳於骨董羹偶憶季鷹相賞
事銅盤還起釣魚情

阻風

世路已多險天涯又阻風病來愁有黨寒
峭酒無功晚操憐殘菊孤踪媿斷蓬長吟
聊自遣誰復識袁宏

禽言二章

提葫蘆提葫蘆此時酒賤堪頻沽仰天長
嘯飲數斗怕牽俗累寧模糊尙平婚嫁幾
時了名山之遊能遍無提葫蘆提葫蘆
行不得也哥哥行不得也哥哥一春風雨
愁中過循臯舉英時易晚涉川無梁將奈
何浮生非不解南柯夢中險阻吾獨多行
不得也哥哥行不得也哥哥

詠菊

百卉凋殘後惟君開始稠傲霜奇操在遲
暮不須愁

杭丈堇浦招集寄巢戲賦冬閨和唐

人光威裒聯句韻

銷寒第一會

霜威乍勁剛逢九桂魄初虧又過三朱戶
半扇垂翠幕碧窗深掩襲紅衫琴能撥悶
絃難理酒可驅寒盞數銜蘭碗凍消呼待
女榴房罅綻祝多男紫姑堪卜應逢喜素

女爲師諒不慙
羣上鴛鴦眠穩
簾前鸚鵡語喃
喃圍爐嬾作翻
荷髻籠袖慵抽
劃水簪硯滴已
冰呵始泮瓶梅
如玉凍還含蛩
蟾着意從來慣
蟬錦傳情素未
諳覽鏡有時愁
黛減焚香無事
效禪叅嬌多婉
轉春遊近夢好
纏綿夜寢甘惆
悵寂寥金鼎冷
山遙水遠憶江
南

吳甌亭招集瓶花齋食臘八粥聯句

歲序何崢嶸周京星紀忽已弔八葉抽莢

莫金志章五德重漢臘吟社邀襍聯厲鶚

山館喜簪盍浴佛東京遺梁啟心設供西竺

法漑釜精作麋丁敬析薪燎以蠟果兼櫓

殼膚杭世駿米槩升龠合釋之復揉之全

山望謝載剝還載拍瀘泉力斧冰顧之麟蒸

餽氣焚蒔汨汨醅泥缸吳城濃濃乳傾榼

宿辨勝咄嗟丁健早起占噬嗑坐疑集梅

林啟圍如禮花塔不待木魚呼穆何煩齋

鼓鞞素甌滿同盛江淨饌齊一呷甘芳滑

流匙樊磊塊利用挾羣喋訝水鳧諷餘瀝

施檐鴿口香聞諸天龍腹果傲古衲利益

瞿曇云堇家風靖師答緬思烹穀初謝軒

后澤溥洽玉井象昭垂田橐籥紀職納人

皆依食住歐俗始理生陋貴或糴元黃誠

三品侈和雜貧或黠齋鹽啟七寶爭嘅嚙

或詭名目奇

穆門

料斗說閭闔或困衆指繁

江聲

舖歎沸吹飲焦傳放翁詩

樊榭

膏載叔庠

剗寒持濟軍饑

設林

農炊恤僮乏何如我輩

閒

龍泓

文史其歡狎蜡飲用上寅

董浦

談議資

某甲嶺梅吐萼纔

謝山

山茶破紅恰騁辭筆

紛飛

寸田

搜秘神有嗒節物鬪朋箋

甌亭

故事

徵梵夾流連至纁黃

誠叔

新月照簾押

啟淑

同人集陸氏山館分韻得飛字

陸氏有山館徑曲塵跡稀木葉時墮澗寒
風頻吹衣翠鳥不避人隔竹止復飛弄玩
几上書留連憺忘歸

題墨竹

曾傍香山十畝池阿誰妙筆寫幽姿依稀
記得湘江路細雨濃烟欲暮時

人日同人集江聲草堂分用昌黎人
日詩韻得開字

靈辰美風景梅蕊橫斜開聯襪過山館低
徊步蒼苔徑幽足閒趣几爭絕俗埃春早
候鳥喜冰泮寒魚猜主人薦辛盤山翠落
酒杯新詩抽乙乙擊鉢無煩催

登鏡水樓

鏡水樓高俯大堤巍巍聳翠與雲齊凭欄
波映酡顏爽隱几山遙倦眼迷殘雪數堆
因凍積曉鶯幾樹向陽啼春風到處皆堪

戀歸屐城闌日已西

聞鶯

何處鶯簧弄曉晴
閒關百轉動嬌聲
誰知獨臥多愁客
夢斷因之百感生

汎舟出東新關至臯亭看梅同周穆
門厲樊榭杭堇浦梁諛林丁龍沼吳
鷗亭作分韻得笑字

愁辜頭番風探梅同索笑
理檝越東關清

景暘遊眺俄延香氣來鼻觀
叅幽妙幾樹臨水開粉頰
低自照就影挹清芬霜禽驚
欲叫頽陽漏遙林滲碎金屑
耀更期去尋山沙岸倚吟棹

由金家堰步至崇光寺

織烏漸西匿花氣却益繁
穿林散幽策彌望香雪源
小憇石梁上苔枝惹吟魂
浩歌肆遐日廻步尋祇園
恰值晚叅罷丈室靜

不喧苾雛導隨喜在在疎影屯循廊取微
徑已見歸鳥翻攬帶一長嘯卜居擬成邨
宿皋亭山下田家

田翁亦好事留客意誼真相於襍被去團
坐情話親呼兒具鷄黍瓦盆更傾銀夜久
香露下花氣尤清新蒿牀愜醉卧我本山
中人

由中塔院至伏虎禪院

蓐食窮幽探興好疲不覺穿林復度谿芒
屨便攀礪中塔峙中途繁花冪籬角孤舟
名泉試龍團塵抱淨如濯欲叅無盡燈三三
慚未學支筇歷上游山屏圍翠幄聞說歸
禪師於此錫曾卓道高伏山君肅恭瞻禮
數永嘯回蘭橈晴雪滿襟撲

尋月明菴

佳遊興未闌重尋下塔院循溪迤邐來萬

樹白玉鈿穠香襲客襟瘦影掩芳甸幽池
抱山門落英浮片片傳聞有高僧証果覺
嘉娘茗飲清心魂欲別意殊戀行樂須及
時流光如掣電

舟次遣興

積雨釀輕寒征途更鮮歡粘天汀草碧逐
舫水珠攢夜色將煙冥鄉愁得酒寬不緣
歸未得年壯敢求安

小寒日同穆門諸君泛舟湖上用楊
鐵崖花游曲韻

湖煙杉雨爭迷濛誇腰堤柳搖東風蘭旌
蕩漾輕雲裏閒看銀鷗戲春水信檣循山
過閭門棠梨還似舊書裙聯吟曾效邯鄲
步隻鷄又過喬公墓銜哀移權詣飛來築
室惟宜日把杯翠栢青凌碧玉盃懸崖平
類題詩版尋幽亭午段橋西愁多嬾學相

如題暫霽行歌逢蝶使茅菴紀勝名稱四
詩成安得薛濤賤烏絲小篆標新篇

古意

日煖朝慵起閒庭花正然垂簾含淚坐不
忍見春妍

抵茸城

五載馳驅吳越道茸城風景畧能諳人家
到處多臨水土俗從來不育蠶草色已青

黃耳塚潮聲先到白龍潭
晚香書屋春常在
向暖梅花總面南

崑山道中

孤帆衝暮雲雙槳破澄澈
科頭篷窗下清景恣遊閱
岸柳垂碧絲桃花落紅雪
四野靜無喧深林有啼鳩
玉峯夕更佳濃露訝如刷
幽澗石巉巖流泉出鳴咽
沙鷗背人飛參差不成列
遊日未移時夜色和烟結

村市殊荒涼
漁燈半明滅
細雨來催詩
欹枕聲淅淅

登煙雨樓

弭楫來登煙雨樓
煙光波影淡如秋
浪言弱水三千里
不隔蓬瀛第一洲

何處鳴榔出畫橋
櫂歌淒絕雨蕭蕭
可憐堤上含風柳
猶學蘇娘舊舞腰

自憐未暇狎鷗盟
浪跡真慚問姓名
輸與

仲宣能作賦闌干敲徧獨含情

晚霽登卧月樓

霽後登樓望輕煙歛碧空晚山千疊翠夕
照半天紅仙杏酣新雨垂楊裊細風眼前
幽景好收拾到詩筒

同人集清勤堂詠洋玻璃燈

高齋華燈懸玻璃通明皎潔冰玉姿經年
航海到中國鍊鑛造出諸島彝瑩瑩皓質

涵秋月晶光掩映凝寒雪
龍膏燕堂底用然鴈足漢庭空
自設丹花灼灼垂蜻蜒風
迴熠爚飄金星含空表裏無瑕玷
五夜芸窗堪校經

清明過西子湖

消魂時節是清明
逐例澆山也出城
蛺蝶紙灰飛漠漠
杜鵑血淚洒星星
菜花香裏鈿車緩
楊柳風中畫舫橫
擬向金衣公子

約劈柑相與訴離情

過吳江作

飄蓬身世欲如何
又向吳江一櫂過
寂是斷腸禁不得
豆花籬落夜蛩多

岸柳書蟲翠漸凋
怎教遊子不魂消
寒篷空對如霜月
嬾問垂虹第幾橋

舵樓涼意晚來深
欹枕驚聞隔岸砧
孤負三高祠下水
匆匆無計浣塵襟

上巳日全人攜酒酹顧丈月田墓兼
修禊湖上分得船字

淡蕩和風漾紙鳶歸橈又逼夕陽天殘霞
倒影生紅浪晚岫浮嵐冑碧烟絮雪暖迷
南岸路萼絲滑透裏湖船感時懷舊情難
遣痛飲聊爲暫洗湔

雜興

垂柳舞風輕風暄喜午晴閒來林下坐對

語有流鶯

同人集復園送春分韻得枝字

春向天涯又欲離挽留無計益淒其裊裊

易作今時別

時舒明府雲亭將歸都門

惆悵難禁隔歲

期飛絮悠揚何限路殘花寂寞最高枝雙
柑聽取鶯吭澁判盡筵前濁酒卮

題畫

雲菴遙山隱隱竹遮曲院沉沉狂思蠟屐

孤往盤石張吾素琴

同人集周運判雪舫署中分詠薔薇
高齋春晚聚詩盟正值薔薇綻麗英雨濕
何郎疑粉傅風迴荀令覺香生柔條婀娜
侵衣細繁艷紛紜照眼明試待今宵圓月
上好看清影滿西楹

臨平小泊

晚風蕩輕航午醉恰初醒渡頭人不歸一

鳥破山暝

春江曲

春江雨霽平如鏡
金輪東上癡雲迸
青山新翠濃欲流
水色嵐光兩相映
木蘭之舟桂作橈
玉女刺船搖玉翹
扣舷婉轉歌一曲
梅腮柳眼俱含嬌

新秋夜雨

雨餘秋暑退
臨卧怯桃笙
境僻庭逾靜
心

閒夢亦清飄蕭和漏轉滴瀝雜蛩鳴欹枕
牽詩興新吟擁鼻成

子昂墨竹

墨態吳興致絕嘉風枝露葉儼欹斜托根
應藉淇園土可悟山河屬別家

同人集湖上送雲亭舒明府北歸

六橋楊柳萬千絲惆悵無由綰別離髦馬
素車悲讀禮青燈綠酒罷論詩燕臺迢遞

君行役浙水滌洄我夢思有約重來湖上
日招要鷗鷺再追隨

客窗聽雨

塵氛牽客子流轉到殊方事簡門常靜交
疎日覺長檢書欹碧案抱膝據胡床惟見
瀟瀟雨空期艷艷陽竹林低婀娜桐塢響
琅璫潤已侵緹幕輕憐度綠階打蕉驚客
枕織柳蔽修廊屐響歸人急簾開乳燕忙

滴階和午漏跳瓦韻虛堂李靖乘驄異孤
延繞塔狂鴉愁棲睥睨虫恐躍堂皇嫩蘚
增嬌翠殘英發故香穿簾驅蝶羸飄牖走
顛當染出如茵草磨成似劍菖弄柔時裊
裊灑急也鏘鏘高隴艱收麥平疇好種秧
蜂疑悲趙后蝶似試何郎淺渚魚機沒卑
原蟻穴傷鳳琴絃欲懦畫壁粉無光窈窕
商羊舞翩躚石燕翔漫勻堤柳碧只益徑

莎芳綠水魚吹沫
高空鴈斷行
泉流奔激
澗珠綴倒垂
楊撼竹驚元鶴開
萍躍赤魴
圓波浮荇沼
紅淚浥榴房
遠浦颿雲滯
隣菴塔影藏
汀蘆青漠漠
江荻白茫茫
屑玉敷蘭畹
鎔銀燦藕塘
眠鷗如霧隱
飢鷺學啼妝
獨引爛斑兒
誰貽歛灩觴
遣懷兼惜景
傾耳賦餘涼

題戴西窗楊溪讀書圖

高齋占斷碧溪邊
石門陶尊樂靜便
愛煞綠楊風乍起
玲瓏窗戶響琴絃

萬卷便便現在身
清風滿榻不生塵
北窗未與西窗異
重見羲皇以上人

光風霽月與心偕
幾度摳衣有道齋
最是低徊不能去
閒庭清影轉松欂

出郭

扁舟纔出郭
景物便增幽
樹色和煙密
山

光逐水流好風清枕簟時雨足田疇不盡
蕭閒趣磯邊羨野鷗

題錢舜舉摹周昉內人雙陸圖

春深語燕喧雕梁內人宴起猶慵粧
搗來花下戲雙陸寶釵斜亸雲鬢長
穴豁高擎姑未擲競持妖態堪憐惜
對局沉思撫石砑有美旁觀最閒適
蠻錦紅韉窄似蓮纖腰依約想嬋娟
鴉頭扶牀汲銀井轆轤疑

若聞聲然司宮欲促畫省去恐被嬌嗔意
猶豫俄延亭午輿吹橫滿苑悠揚飛柳絮
錢郎筆妙擅臨摹展玩使我生歛歛試問
月明清夜永點籌還待羊車無

初夏書齋獨坐

參差新竹映窗紗默坐文窗日影斜
喚雨鳴鳩藏棟樹欹風雛燕拂桐花
翩翩穉蝶翻閒慢簇簇羣蜂鬧晚衙
自愛蕭疎有餘

味小爐親煮火前茶

卽事

曉起西窗坐焚香淡世情山中幽鳥過相
與說新晴

題范墨濤鴛湖垂釣圖次丁敬身韻
忘機鷗鳥效鳴夷占得鴛湖古釣磯
每衝煙靄出短帆閒掛月明歸桂花香冷
鱸魚美楊柳風高菰米肥塵世是非都不

管畢生蕭散似君稀

湖心亭

客懷不稱意小酌湖心亭清風蕩煩暑
菖發餘馨况復時雨後遠山開翠屏
征帆破虛碧老柳依廻汀新涼襲襟袖
酒薄眼易醒孤吟撫危檻輕條衝紫萍
牽我濠濮想莞爾忘飄零

咏清勤堂秋芍藥分韻得七虞

不向三春鬪麗姝却於秋末伴清娛嬌姿
霜冷須加護弱骨風嚴欲倩扶晚節正堪
籬菊竝幽香已覺海棠輪奇葩到眼成嘉
會好付丹青繪作圖

絕句

鄉山罨畫費相思已練歸期更後期颯颯
商飈將釀雪黃花應笑客歸遲

九日湖上

病起逢辰逸興豪偶來湖上泛輕舸秋深
木落山容瘦雲淨天空鴈字高楓葉染霜
紅滿樹波痕酣雨碧盈筒扣舷自得蕭閒
趣采菊囊菜笑太勞

秋晚同方屏山夫子涵齋金珣蘭家
桐山晚步江干以到江吳地盡隔岸
越山多分韻得多字

恐負清秋光招邀共婆娑散策到江上夕

陽佳景多遠帆衝鴈影遙笛隨漁歌潦水
白似練霜楓紅如酡藉草聊小憇野菊盈
前坡撫景感良候搔首頻吟哦人生若行
樂囊丸任擲梭

晚泊

寒鴉歸樹後各已纔輕橈風月劇清美關
河自寂寥舊遊懷勝友壯志薄青霄塊坐
篷窗下悲吟弄酒瓢

一泓齋坐月

一泓齋裏月如水
潦盡寒潭清到底
一泓齋前水如月
霜洗碧天益皎潔
月光水氣兩交凝
枯坐雙足如踏冰
萬籟悄寂若虛谷
商飈輕颺簾波綠
楓林紅老橙盡黃
梅花的樂初浮香
人生佳景最易失
似此良宵難屢得
新詩吟罷興
毡毳吸盡筵前
瀲灩杯

春歸

海棠零落柳綿飛
漸覺園林景已非
荀令座寒香欲換
沈郎腰瘦帶寬圍
鶯花勝賞疑如夢
詩酒風流幸未違
倚遍碧欄聊短詠
消魂時節是春歸

水哉亭曉起贈許五鵬飛

枕簟涼生秋雨初
晨興把卷對芙蕖
碧梧一葉隨風墮
翠竹千竿隔水虛
地僻禽魚

供雅玩人高泉石稱幽居他年擬買東隣宅日夕同君好著書

感秋

酷暑方除日涼風拂面新生衣雖可戀滑簞已難親雁唳驚鄉夢蛩聲感病身秋來無限恨偏易到羈人

寒夜

小鼎香銷識夜殘徘徊獨自倚闌干幾回

欲作懷人賦雪下吟詩句恐寒

秋宮怨

銅龍聲歇水淋盡曉光淒戾霜風勁西苑
銀床動輓轡錯訝羊車來欲近鴛衾輾轉
不成眠起拂多羅弄翠釧無金難覓相如
賦紅淚闌干空自憐

春晚齋居

高枕空齋裏狂歌戀晚春篆香縈客夢花

影黯吟神已惜鶯
吭澁俄看竹粉新
故山猿鶴在應怨
未歸人

和黃司馬圖秘悼姬人計雪香

學道無成笑老莊
人間難覓返魂香
簾垂簾竟空依舊
秋雨春風祇自傷

畫裏看來絕似真
可憐嬌面尙生春
從君萬轉千迴喚
羅襪無從挹後塵

人去粧臺晝掩闌
釵分鏡判事全非
酸心

最是隨鬟蝶尙覓餘香不住飛

全人集得月軒分詠軒中消暑物得
簾枕

何以逃酷暑北窗有簾枕散髮臥匡牀
鄉堪小隱冷然來清飈心冷夢亦冷庭寂
忘市喧境靜疑日永緬想錢鏐王勞神徒
號警功名總是空浮生須早惺邯鄲初覺
餘檻籠修竹影

放櫂

蒲帆開處趁春陰
出郭橫林見暮禽
雪霽山茶紅正好
風顛岸柳瘦難禁
縈迴鄉夢
憑高枕排遣
羈愁藉素琴
靜倚篷窗閑點
筆數聲欸乃和清吟

鴛湖雜興

瓜皮小艇疾如飛
正直良宵月色輝
貪向船頭玩清景
却忘寒露暗侵衣

雨後湖波漲舊痕漏深戶戶盡扃門誰家
短笛穿雲響欄外梅花欲斷魂

皎皎晶光罨滿湖湖波絕似練平鋪他年
來此爲漁父不羨仙家白玉壺

白蓮古剎已荒涼剩得歌堤幾樹楊驚鵲
翻枝疑已曙背人飛過小紅牆

春仲偕陳息川強易窗家穆哇阻潮

葦塘

黃浦潮來勢若奔，
艤舟閒泊葦塘邨。
狂風挾浪頻驚纜，
細雨和烟暗打門。
零落桃花增悵望，
羈遲燕子欲銷魂。
無窮客興篷窗底，
付與清吟共酒樽。

曉過七堡

不暖不寒時候半晴半雨天，
工扁舟曉過七堡一路山杏花紅。

齋居卽事

多病澹塵想翫幽安瑟居已驚池柳瘦耐
可井桐疎賞雨忽高興焚香因讀書浮生
能有幾吾且樂如如

春興

柳絲日暝倚風輕隔巷飭簫送好聲只有
黃鸝能解事晴窗相與話春情

舟中寒食

誰憐寒食在天涯悶倚篷窗漱彩霞客緒

只如春草亂鄉思，難得暮山遮窺人柳眼。
眠初熟，惹恨榆錢落正賒。不獨子推千古
痛，臨風一倍惜年華。

春暮登虎阜追和東坡韻

登岸卽聞鐘入寺，始見嶺紆道。林水交綠，
翳悠悠，井昔人試劍石。至今有雄耿蔭深，
巖壁潤，圻穴多蛙黽。傳聞闔閭墳遭劫，同
寶礦。白虎雖久藏，髣髴見精猛。更登千人

座肆目縱遊騁蕭條真娘墓碑語含幽哽
後眺多平田新綠展百頃晚風起松濤謾
謾衣裳冷客裏寡塵勞倍覺晷刻永茲辰
雖陰霾轉幸得幽景遙林見歸禽高塔生
古影長嘯回扁舟黃鸝不須請

客懷

墻角梅花漸欲殘蕭蕭密雨釀春寒客懷
已覺無聊賴更凭危樓十二闌

登樓

岸幘曉登樓風清露未收
海棠嬌欲睡池柳綠初柔
去國憐王粲逃名慕許由
碧欄空倚遍無計遣離憂

遊雲林寺

眷言遊雲林蓐食天尚昧
肩輿出西郭飛灑雨忽大
祇思入山深遑計濕衿帶
肅恭陟精廬佛事值高會
蠟煙散氤氳香氣飄

菴藹頂禮梵王前慈力衆所賴回向淨信
心惟願家國泰主僧迓客入斗室絕埃壒
高閣試同登騁目塵垢外四圍山迷濛雲
峰似張蓋湖光漲一角湛湛綠汪濊遠舟
泛鳧鷖堤柳動旌旆天然列圖畫妙筆難
遽繪展眺山之阿奔峭幽更寂雅竹色娟
娟野禽聲噉噉林猿不避人窺人翻狡獪
徘徊忘日晏虛谷動萬籟尤愛小亭間泉

聲出青靄緬懷丹山詩悠然發長嘅揮手
辭空林疎鐘動杉檜

海寧公署八詠爲鄂筠亭觀察賦

竹南詩屋

隱几詩懷淡宕遶檐竹色參覃句就披襟
理詠好風時來自南

晏閒亭

一亭寂逾僧舍蕭然水竹之間公暇偶來

塊坐高雲淡佇同閒

絮影軒

謝女清思入詠陶公高致遮門莫悵古人
雲徃且看輕影當軒

滴海池

雲影涼欹翠蓋露華香沁紅衣誰云大海
一滴已全三十六陂

柳障

香山舊日詩句柳偏東面風多先生以之
代障閒情不啻能過

魚戲闌

阿誰爲歌樂府魚戲蓮葉之東便覺倚闌
興好將無濠濮趣同

剪淞堰

詩人句有造化并刀剪取吳淞官圃未盈
五畝偏饒江色雲容

平泉一簇

石丈天然磊砢嘉名何錫平泉
醵酒支棊聊復應如過眼雲煙

湖上雨泛

晴湖不如遊雨湖

明張合宙載當時杭諺也

詩情遊興

今相符千山冥濛揜絮帽
兩湖錯落跳明珠漁翁灑笠掠煙去
驚起白鷺低菰蒲須臾雨止濕雲淨
山色湖光兩相映佛頭螺

色不計層新潑葡萄平似鏡西子捧心態
轉增但愛娟妍孰嫌病乍晴乍雨景更奇
幾多雲片共煙絲蓬萊宮殿杳難接莫笑
遊人歸去遲

夏日仝人登四照亭

欲攬全湖勝來登四照亭千層新漲碧萬
笏遠峰青夕景明丹壁輕風起白蘋何當
來此宿消暑更翻經

七月二日小雨初涼全人枉顧分韵
得來字

輕颺淨煩暑細雨滋莓苔炎涼片刻移此
景真奇哉披襟步庭際撫松獨徘徊忽聞
剝啄聲有客不速來花逕未暇掃蓬門聊
爲開招邀北窗下共傾濁酒杯高談興轉
清晚蟬莫相催

仲春同人展穆門周丈墓於青芝塢

兩高峰下認遺墳草拂寒煙感失羣白馬

驅來慚范子

先生卒於吳淞予適抱疾未獲親往執紼

隻鷄到

此效喬君葛帔零落雖堪免隣笛悲涼不可聞展拜難爲攜杖去孤吟空自對湖雲

聞比隣吳調曲

日夕擁百城兀兀坐超忽宵分步中庭隣舍吳歛發乍疑嫠婦啼轉作驍將突鳴鳴雜淒淒冰壺迸珠滑繁聲貫碧雲高天墜

京月四壁頓聞寥悵悴搔短髮長謠撫清
琴商飈振林樾

秋晚登開萬樓

鯉魚風緊杪秋天兀坐層樓思悄然一曲
沙河臨檻下數行鴈宇過檐前高低巷杵
敲涼月斷續城笳咽暮煙自有庾公蕭逸
興何須把菊醉籬邊

次韻題龔光國墨菊

臨海何須冒雨尋羅含宅裡有黃金如今
併入先生筆絕勝東籬采滿襟

飛鴻堂初稿終